



En Xinzo de Limia, a 1 de Xaneiro do 2019

BASES REGULADORAS DO CONCURSO DE DISFRACES DO ENTROIDO DE XINZO DE LIMIA 2019

1.- OXECTO.

É obxecto das presentes bases reguladoras o concurso de disfraces que se celebrará o Martes de Entroido, día 5 de Marzo do ano 2019, e que organiza a Concellería de Cultura de Xinzo de Limia en colaboración coa Comisión do Entroido do ano 2019.

2.- PARTICIPANTES.

2.1.- Poderán participar no concurso todas aquelas persoas e colectivos interesados, sen límite de idade. Os menores de idade deberán presentar xunto cos demais papeis requiridos a autorización necesaria conforme teñen o permiso do tutor legal para ser participe do concurso regulamentado.

2.2.- As persoas participantes deberán elixir a categoría a que se queren inscribir: INDIVIDUAL, DÚO, COMPARSA ou CARROZA, optando a tres premios diferentes en cada unha delas.

3.- INSCRIPCIÓN

3.1.- A inscrición poderase realizar cubrindo un formulario no que se recollerán os datos necesarios, o número de compoñentes e a categoría inscrita, a temática do disface, etc.

O formulario estará dispoñible na páxina web do Concello de Xinzo de Limia no seguinte enlace, ----- O formulario será enviado ao seguinte correo electrónico comisionentroidoxinzo@gmail.com, ou poderase presentar presencialmente na Biblioteca Municipal de Xinzo de Limia, da Casa de Cultura, en horario de 10:00 h. a 13:00 h. e de 16:00 h. a 20:00 h.

3.2.- O prazo de inscrición rematará o Luns, día 25 de Febreiro, as 20:00 h.

4.- NORMAS DE PARTICIPACIÓN.

4.1.- As e os participantes inscritos no concurso de disfraces do 5 de Marzo, as 16:00 h. deberán estar establecidos en orde de saída, proporcionado pola organización nese mesmo intre, na Rúa Rosalía de Castro ca Rúa Padre Feijóo. Entregaráselle unha insignia co número correspondente a orde dos desfile para poder levar a cabo as votacións polo xurado.

4.2.- Deberán acatar o percorrido imposta pola organización sen saírse del. O percorrido transcorrerá pola Avda. de Madrid e Avda. de Ourense, ata o Parque do Pombal.

4.3.- Establécense 3 categorías: INDIVIDUAL, DÚO/TRÍO, COMPARSAS (considerase comparsa a un grupo de persoas cunha mesma temática para os disfraces cun mínimo de 8 persoas) e CARROZAS (considerase carroza a un grupo de persoas cunha mesma temática para os disfraces que inclúan unha plataforma móbil). A cada categoría outorgaráselle tres premios.



4.4.- Cada participante só poderá concursar nunha única categoría e a recollida na inscrición que antes presentara.

4.5.- O xurado disporá dunha táboa para a valoración dos disfraces. Os seus integrantes disporán do tempo do desfile para realizar a valoración dos diferentes participantes.

4.6.- Os resultados das votacións farase público nas R.R.S.S. da Comisión esa mesma noite e publicamente no Mércores de Cinza, antes do Enterro da Sardiña, programado para as 19:00 h. do día 12 de Marzo.

4.7.- Os participantes no desfile comprométese a responsabilizarse das accións ou omisións que se produzan durante o mesmo, eximindo á organización de calquera tipo de responsabilidade por ditos actos.

4.8.- Os participantes que leven carrozas, serán responsables dos mesmos e das autorizacións que se lle puidesen requirir ao seu efecto, sendo responsables á súa vez da seguridade dos mesmos. Nos camións colocarán "faldóns rixidos" nas rosas a fin de evitar que ningunha persoas (sobre todo cativos) poidan meterse baixo delas.

4.9.- Queda totalmente prohibido o uso de petardos, esprais ou lanzamento de obxectos perigosos ao público.

4.10.- Queda totalmente prohibido levar calquera tipo de animal solto no desfile.

5.- XURADO E CRITERIOS.

5.1.- Ábrese, neste punto, a convocatoria para a pertencer ao xurado deste mesmo concurso mediante inscrición ao mail comisionentroidoxinzo@gmail.com, aportando os datos persoais do interesado.

5.2.- Ningún xuíz ou xuíza pode participar no desfile.

5.3.- O xurado estará composto por un mínimo de tres persoas.

5.4.- No caso de non presentarse ninguén para formar parte do xurado, a organización do Entroido será a encargada de levar adiante o fallo do xurado.

5.5.- O xurado deberá valorar:

- a. Estética, orixinalidade e creatividade dos disfraces.
- b. Posta en escena (interacción co público, coreografía, teatro, etc.)
- c. Elaboración propia/artesanal.
- d. No caso das carrozas, estética orixinalidade e creatividade da mesma.

A organización aportará unha táboa para axudar a realizar a valoración nas diferentes categorías. Cara criterio valorarase de 0 a 10 puntos para obter a puntuación final. Ao remate do desfile as e os compoñentes do xurado entregarán as táboas aos organizadores. As premiadas e premiados esbleceráanse segundo as puntuacións totais obtidas, despois da suma das valoracións parciais de cada compoñente do xurado.

5.6.- A valoración só se poderá facer durante o percorrer do desfile. Unha vez rematado, calquera valoración será desestimada.



6.- PREMIOS.

6.1.- O total do diñeiro empregado para o concurso de disfraces do Entroido 2019 será de 4000 € divididos da seguinte maneira:

- Un premio para o mellor disface individual de 200 €.
- Un premio para o mellor dúo/trío de 400 €.
- Un premio para a mellor comparsa de 1000 €.
- Tres premios para a mellor carroza:
 - un primeiro premio de 1200 €.
 - Un segundo premio de 800 €.
 - Un terceiro premio de 400 €.

6.2.- Os participantes premiados recibirán un diploma polo importe do premio. Con este documento será necesario presentarse no Concello de Xinzo de Limia en horario de 09:00 h. a 14:00 h., de luns a venres, coa seguinte documentación:

a. No caso do premio da categoría INDIVIDUAL:

- Copia do D.N.I. do gañador.
- Copia do D.N.I. do titor legal (no caso dos menores de idade).
- Certificado bancario (IBAN) do número de conta da persoa gañadora ou do titor legal para o cobro do premio.

b. No caso do premio das categorías DÚO, COMPARSA e CARROZA:

- Documento de acreditación de representación do grupo firmado por todos os integrantes.
- Copia do D.N.I. dos titores legais, en caso de haber algún menor de idade.
- Certificado bancario (IBAN) do número de conta da persoa que represente o grupo para o cobro do premio.

6.3. Os premios superiores a 300 € procederase á retención do IRPF de acordo co establecido na lei 35/2006 do 28 de Novembro do IRPF.

7.- CONFORMIDADE.

Todas e todos os participantes, polo feito de selo, aceptan as presentes bases na súa totalidade.

A organización realizará unha cobertura fotográfica dos diferentes momentos do desfile e do concurso de disfraces. As e os participantes, mediante a súa inscrición, consentirán a cesión da súa imaxe para as fotografías que se realizarán durante a celebración do concurso. As fotografías serán empregadas pola Concellería de Cultura e a Comisión do Entroido con fins divulgativos e para a promoción das súas actividades nas súas R.R.S.S. e páxinas web oficiais.

8.- ÓRGANO COMPETENTE.

O órgano competente para a ordenación, instrución e resolución do procedemento derivado das presentes bases será a Alcaldía de Xinzo de Limia.

Comisión do Entroido de Xinzo de Limia 2019

